

## Mbunda - Vyavivwa Viyongola Visoneka - Good Mind Scriptures

VaLevi 24:12 vamwanene ku mavoko a vaka-kunyunga, co vavandamenene Shukulu Kalunga avaleke vika vakalinga na uje munu.

Kwituluka mu Mashiko 18:6 KaLevi woshe uje ashaka nasa kutunda mu nganda yoshe-iyoshe ya mu Isalele nakwija ku mwela uje waakangula Shukulu Kalunga wakumulemesela,

Lute 1:18 Omo Naumi wamwene ngeci Lute namukakateya kuya amo nendi, co kendekele lalo cuma cimo.

1 Mizimbu 28:9 Co kuli Solomoni wendekele ngwendi, "Munange, njikushika ngwange kavangeya Njambi ya isho, nakumupangela na mbunge yoshe, co likundike na cizango ca mana ove. Ikeye azivuka viyongola vyetu vyoshe na mashungu avyo. Nga umushakezeka, co ukamuwana, oloni nga umuseza, co akakujenjuka ku myaka yoshe.

Nehemiya 4:6 Ngcivene, twatungile civumbe, co twetele ku litambelo lyaco mu vulaja, omwo vanu vakele manene na ntwima yakupanga.

Yombi 23:13 Ikeye kesi kutenguluka. Co naumo wai asa kumuyeluvisa, nambe kumuvindika vije vyashaka kulinga.

Visimo 29:11 Vilema vakasholola vukalu vwavo vvoshe, oloni vaka-mana vakasimpi navwo.

Isaya 26:3 Shukulu Kalunga akana kwoloka, kuli vaje vakolesa kukulaela kwavo mbe, vaje vakulaela kuli yove.

Mako 5:15 co omo vezile kuli Yesu, co vamwene munalume uje wakele na mbunga ya minzinzime yakujwala natumbama kuje, nazala mwamuvwa nalikongomeka, co voshe vakele na lyova.

Luka 8:35 Co vanu vaileko nakukamona vije vyalingiwile, omo vezile kuli Yesu, co wawanene munalume uje wakele na minzinzime yakujwala natumbama ku mendi a Yesu, nazala mwamuvwa, nalikongomeka, co voshe vakele na lyova.

Vilinga vya Miluwa 17:11 VaYunda vakuje vapwile vakushokoloka ku vimbunge kutuvakana va ku Tesalonika. Omo vatolililile ku lijwi na vimbunge vyakuzituka, co a litangwa na litangwa valilongesele Visoneka kumona nga vije vyendekele Paulu vyapwile vya vushunga.

Vilinga vya Miluwa 20:19 Nakulilumbilisa kwshe amo na misozi njapangele vipangi vyange ngwe ngamba ya Mwene mu visimbu vyakukaluwa vije vyezile kuli yange omwo a matumbe a vaYunda akunjilwisa.

Loma 7:25 Kukandelela kuli Njambi ali Mwene yetu Yesu Kilistu! Ngcivene, omu mukemwo munjinafu, ange lika njasa kupangela lishiko lya Njambi na mbunge yange lika, oloni vusitu vwange vupangela lishiko lya vuvu.

Loma 8:6 Nga cizango ca vusitu cikutwamenena, co fweto yaco kutsa, oloni nga cizango ca Munzinzime cikutwamenena, co fweto yaco inapu mwonyo na

kwoloka.

Loma 8:27 Oloni nga tuli na cinyangavili ca vije kutwamwene, tucivandamena nakusimpa.

Loma 11:34 Ngwe muvyendeka visoneka ngwavyo, "Iyajo azivuka mana a Shukulu Kalunga? Iyajo asa kumunangula?

Loma 12:2 Kesi mulipwise ngwe vanu va muno mu kaye, oloni eceleni Njambi atengulule viyongola vya mu vimbunge vyeni. Asinoni mukazivuka cizango ca Njambi, vije vyavivwa nevi vimuvwaelelesa nevi vyakushungama.

Loma 12:16 Yoyeni mulizivasano umo na mukwavo. Kesi mulyalese, oloni likeeseni mu vipangi. Kesi muliyongole yeni vavenya ngwe munapu vakananyama.

Loma 14:5 Munu umo ayongola ngeci litangwa limo lili na seo kutuvakana matangwa akwavo, co mukwavo weka lalo ayongola ngeci matangwa oshe afwa mumolika. Munu na munu napande kukolesa ngeci vije vyanayongola vinapu vyavivwa.

Loma 15:6 ngeci yeni voshe mukashangazale Njambi ikeye Ishe ya Mwene yetu Yesu Kilistu na lijwi limo.

1 Kolinte 1:10 Njimirilambelela vavusamba vange, na moko ya Mwene yetu Yesu Kilistu ngwange, lizivasaneni mu vyoshe vimwendeka, ngeci kesi kukakale kulyangunuka akati keni. Oloni litomboleni mwamuvwa, na viyongola vimo na cizango cimo.

1 Kolinte 2:16 Ngwe muvyendeka visoneka ngwavyo, "Iyajo azivuka viyongola vya Shukulu Kalunga? Iyajo asa kumunangula?" Yetu nameme ngoco, tuli na viyongola vya Kilistu.

2 Kolinte 7:7 Kesi akwija kwendi lika embwe, oloni nakuzembeleka kuje mwamuzembelekele nakwo. Natuleka lalo ngwendi mushaka kunjimona, muli na mangunge nakulila omwo yange, ngecivnene, njavwaelela manene.

2 Kolinte 8:12 Omwo nga yeni muli na cizango cakwana, co Njambi akatambula vwana vweni ali vije mulinavyo kuvihana, oloni kesi ali vije kumwesi navyo.

2 Kolinte 9:2 Njazivuka ngeci muli na cizango cakukwasa, co njalyalesele ali yeni kuli vanu va mu Masendoniya. Njendekele ngwange, "Vakwetu vali mu Akaya vanalivwaesela cimweja kukwasa kutunda ku mwakawali." Kunyanyama kweni kunatakamesa vavangi.

2 Kolinte 13:11 Akumanesa, vakwetu, saleniho! Kakateyen'i kulumbunuka, tolilileni kukulambela kwange, kaleni na mbunge imo, kaleni mu kwoloka. Co Njambi muka-cizemo na kwoloka akakala amo nen'i.

Efeso 4:23 Vimbunge vyeni na mana eni vinapande kupwa vyaviha,

Filipu 2:2,3 Ngecivene, njimirilambelela munjivwaelese akukala na viyongola vimo nakulipangela cizemo cimo, nakupwa cuma cimo mu mwonyo na mu mana. 3 Kesi mulinge cuma cimo na viyongola vya cipululu, nambe na mashungu akulishasha; oloni likeeseni ku mesho a umo na umo, simbu yoshe yongoleni vakwensi ngwe vanapu vavavwa kumihyana yeni.

Filipu 4:2 Yondiya na Sintike, vakwetu, njilinakumilomba ngwange esekeni kulizivasana ngwe vandokazi muli Mwene.

Filipu 4:7 Co kwoloka kwa Njambi, kuje munu naumo wai asa kuzivisia, cikanyunga vimbunge vyeni na viyongola vyeni mwamuvwa muli Kilistu Yesu.

Kolose 3:12 Yeni munapu vanu va Njambi, wamizemene, co wamyangwile kupwa mu vendi. Ngecivene, munapande kuzala lyovwa-ovwa, na ngozi, na kulilumbilisa, na vuvwa na lukakateya.

2 Tesalonika 2:2 kesi mukale na citanga vwasi-vwasi mu viyongola vyeni nambe cishota-mbunge ngweni Litangwa lya Mwene linete. Amo vayongola ngeci twendekele eci omo twambulwile vuka-kwimanena nambe omo twambulwile liji, nambe amo twasonekele eci mu mukanda.

2 Timateo 1:7 Omwo Njambi katwanene munzinzime wa lyova, oloni Munzinzime wendi natushulisa na nzili na cizemo nakulinyunga.

Tito 2:6 Mu ngila eyi vene, sindiya vakwenje lalo ngeci valinyunge vakevo vavenya.

VaHevelu 8:10 Co kengeni, eci cikeco cikumiyo njikalinga ololo kuli vanu va Isalele munima ya matangwa aje. Njikaka mashiko ange mu mana avo, co njikawasoneka mu vimbunge vyavo. Ngeci njikapwe nji Njambi yavo, co vakevo vakapwe vanu vange.

1 Petulu 1:13 Ngecivene, livwaeseleni cimweja mu viyongola vyeni. Kengeleleni, co akeni cinyangavili ceni a vivezikiso vije vivakamyana omo Yesu Kilistu akasholoka.

1 Petulu 5:2 pweni tunyungi va vutanga vuje vwanamyana Njambi, co vunyungeni na cizango cacivwa, ngwe mwanashaka Njambi ngeci mulingemo, kesi ngwe nakumisindiya. Lingeni vipangi vyeni, kesi ngwe omwo fweto embwe, oloni na cizango cacivwa cakupanga.

2 Petulu 3:1 Vasamba vange, ou ololo unapu mukanda wamucivali njinamisonekela. Mu mikanda yoshe ivali njineseka kwindula viyongola vyakujela mu mana eni akumyanukisa vyuma evi.

Kujombolola 17:9 Yange Yowano, ndolome yeni, co akupwa ndongisi ya Yesu njili amo neni na lukakateya mu ñavava ije ilinakwija kuli vaje vanakundama ku Vumwene vvendi. Vanjakele a liñanda lya Patimose omwo njambulwile liji lya Njambi lya vushunga vuje vwasholwele Yesu.